

KONKURS ZA ANGAŽMAN SARADNIKA ZA IZRADU VIBER STIKERA

„Plavi telefon“ Savjetodavna linija za djecu i mlade

05.05.2021. – 14.05.2021.

UVOD

Udruženje „Nova generacija“ iz Banje Luke raspisuje konkurs za angažman jednog (1) saradnika za izradu **viber stikera** u svrhu predstavljanja i promocije Savjetodavne linije za djecu „Plavi telefon“.

Naime, Plavi telefon je savjetodavna linija za djecu i mlade koju je pokrenulo Udruženje „Nova generacija“ 2013. godine. Usluga je **anonimna i besplatna** za sve pozive mobilne i fiksne telefonije na teritoriji Bosne i Hercegovine. Na liniji su angažovani psiholozi/ savjetnici sa dugogodišnjim iskustvom rada na liniji, te volonteri/ savjetnici koji su prethodno prošli obuku u trajanju od 3 mjeseca. Do danas je linija primila **24 300 poziva** te je preko Plavog telefona upućeno preko **100 anonimnih prijava sumnji na nasilje**. Linija je aktivna svaki radni dan od 09 do 17 časova.

SVRHA

Sa ciljem informisanja što većeg broja djece i odraslih o postojanju besplatne savjetodavne usluge, te izgradnji povjerenja djece i odraslih prema usluzi, Plavi telefon je kreirao opsežnu promotivnu strategiju koja predviđa grafičku izradu i dizajn **15 viber stikera**, a koji će biti dostupni za korištenje na aplikaciji „Viber“.

USLOV ZA UČEŠĆE

Pravo učešća na konkursu imaju svi zainteresovani kandidati, fizička i pravna lica koji dostave ponudu koja uključuje

- Portfolio sa vizuelnim rješenjima za iste (viber stikeri) ili slične angažmane
- Cijena izražena u konvertibilnim markama

Svi kandidati koji na osnovu dostavljene ponude prođu u drugi krug konkursa, biće u obavezi da izrade prototip ili skicu jednog viber stikera, na osnovu kojeg će se donijeti konačna odluka o angažmanu saradnika/ice.

Ukupna raspoloživa sredstva za ovu aktivnost su **979,00 BAM**, te Vas molimo da ponude ne prelaze navedeni iznos.

Ponudu je potrebno dostaviti na e mail info@novageneracija.org do 14.05.2021 u 16:00

